

Raport



Severina i
Loša poziraju
pred Narodnim
pozorištem

Severina, zvijezda SFF-a!

Ona je zaista bila iznenađenje. Dok se u foajeu Narodnog pozorišta filmska ekipa *Teško je biti fin* potpisivala na zidne foto-portrete, na crveni je tepih, u pratnji Saše Lošića, te prve večeri Sarajevo Film Festivala zakoračila – Severina. Seve je u Sarajevu potvrdila status zvijezde: jedino je za nju mogla biti poslužena posebna porcija od šest čevapa

Priredila **Mersiha Drinjaković**
Snimci **Emir Burlović, Nedim Trtak i AG**





Susret Severine i Nermina Tulića

Početak SFF-a obilježili su svjetska premijera filma Srđana Vuletića *Teško je biti fin* i – Severina. Hrvatska pjevačica se na crvenom tepihu pojavila u društvu Saše Lošića, objasnivši svoj dolazak u Sarajevo činjenicom da će drugo veče Festivala biti prikazan *Pijetlov doručak*, slovenački film za koji je Loša komponovao pjesmu *Gardelin*, koju je ona otpjevala.

"Na snimanju sam redateljku Marku Naberšniku obećala da ću doći na prvu projekciju filma, ma gdje ona bila", rekla je Severina prije projekcije filma u kinu Meeting Point. Na zatvorenu projekciju filma *Pijetlov doručak* Severinu je dopratio direktor Festivala Mirsad Purivatra, a hrvatska pjevačica je, praćena aplauzom, ušla u dvoranu kako bi ga po prvi put pogledala. "Nisam znala da će me u filmu toliko puta spomenuti i da će glavni lik, automehaničar koji je zaljubljen u mene, nositi moju sliku u džepu. Malo mi je bilo neugodno. Svidio mi se film jer je riječ o pravom romantičnom uratku i nadam se da će se i drugima svidjeti. Cijela je ekipa filma bila sjajna i drago mi je što sam ga sada pogledala", ispričala je Seve nakon projekcije filma u kojem ima epizodnu ulogu te se pojavljuje samo na koncertu u slovenskom gradiću u koji je film smješten.

Trećeg dana SFF-a Severina je posjetila Avangard festivalski trg, gdje se obratila brojnim novinarima. "Počasćena sam ovako velikim interesovanjem medija. Ipak, ja sam samo gost ovogodišnjeg Festivala, gost i podrška jednog mladog slovenskog redatelja. Saša Lošić je napisao prelijepu pjesmu s kojom sam se pojavila u tom filmu i zadovoljna sam. Film je veoma pozitivan i drago mi je što sam bila dio tog projekta. A o Sarajevu i Sarajevo Film Festivalu mogu reći da su definitivno nešto najljepše što se dešava u ovom gradu. Sarajevo je jedan evropski grad, a SFF evropski festival kojim se možete pohvaliti. Mi toga nemamo", izjavila je Severina. ■



Seve na crvenom tepihu



Sa američkim rediteljem Alaxandrom Paynoom